



# NEWSLETTER BR. 51

MAJ 2019

## SADRŽAJ

### FIPA AKTIVNOSTI ≡

- » FIPA NA PRIVREDNOM FORUMU EBRD-A U SARAJEVU
- » RADIONICA O IZVOZNO ORJENTIRANIM POSLOVNIM USLUGAMA

### FIPA POSLOVNE VIJESTI ≡

- » POTPISAN NOVI UGOVOR O SLOBODNOJ TRGOVINI IZMEĐU BiH I TURSKE

# FIPA AKTIVNOSTI ≡



FIPA NA PRIVREDNOM FORUMU EBRD-A U SARAJEVU



RADIONICA O IZVOZNO ORIJENTIRANIM POSLOVNIM USLUGAMA





## FIPA NA PRIVREDNOM FORUMU EBRD-A U SARAJEVU



Učestvujući na trodnevnoj manifestaciji EBRD-a u Sarajevu, predstavnici FIPA-e na čelu s direktorom Gordanom Milinićem susreli su se predstavnicima strane poslovne zajednice i investitorima koje su upoznali o mogućnostima ulaganja u BiH. Dodatno, na zajedničkom promotivnom štandu FIPA-e i VTK, distribuirani su različiti promotivni materijali o mogućnostima ulaganja, te investicioni projekti.

Trećeg dana manifestacije, učestvujući na sesiji „Invest in BiH“ g. Milinić je govorio o statusu stranih investitora u BiH, poreznom sistemu, rastu stranih investicija u posljednje dvije godine, te FIPA-i kao glavnoj adresi za strane investitore, te podršci koju pruža u implementaciji investicionih projekata.

Pozvao je investitore da investiraju u BiH, ističući da je investiranje u BiH isplativo, te da su realizirani pomaci na poboljšanje konkurentnosti privrede u posljednje dvije godine, te da se očekuju dodatna unapređenja.

U okviru iste sesije, prezentirani su potencijali ICT sektora, turizma, auto-industrije, proizvodnje mlijeka, te građevinskog materijala. Predstavnici kompanija koje posluju u ovim sektorima istakli su da je investiranje u ove sektore isplativo, te da tu postoje značajne mogućnosti za nove investicije.



## RADIONICA O IZVOZNO ORIJENTIRANIM POSLOVNIM USLUGAMA



Agencija za unapređenje stranih investicija u Bosni i Hercegovini (FIPA) i projekat MarketMakers, organiziraju Radionicu o izvozno orijentiranim poslovnim uslugama (BPO) koja će se održati 13.05.2019. godine u Hotelu Europa Sarajevo.

BPO sektor je jedan od najbrže rastućih u Bosni i Hercegovini uz brojne mogućnosti dodatnih ulaganja i zapošljavanja. Posebna prednost za lokalne zajednice, i državu u cjelini, jeste mogućnost da se privlačenjem stranih investicija u ovaj sektor u vrlo kratkom roku može smanjiti stopa nezaposlenosti, jer postojeći i potencijalni investitori iz BPO sektora trebaju stotine i hiljade novih zaposlenika.

Bosna i Hercegovina poseduje tri ključne prednosti za sektor izvozno orijentiranih poslovnih usluga: i) dobro poznavanje stranih jezika, posebno engleskog i njemačkog; ii) geografski položaj, vremensku zonu i pristup tržištu klijenata, i iii) konkurentnu cijenu radne snage u poređenju s istočnom Europom. Iako su ovi uvjeti dovoljni da privuku "širi interes", oni nisu dovoljni samo za investiranje, a Bosna i Hercegovina mora naporno raditi kako bi pokazala svoju dugoročnu konkurentnost.

Upravo uzimajući u obzir prednosti BPO sektora za razvoj lokalnih zajednica i BiH ekonomije u cjelini, cilj Radionice je da se predstave potencijali sektora i šta lokalne zajednice mogu uraditi kako bi bile atraktivnije u ovom segmentu, smanjile nezaposlenost i zadržale mlade ljude, te da se predstavnici postojećih investitora u zemlji i regiji predstave sa svojim iskustvima i pričama.



# FIPA POSLOVNE VIJESTI ≡



POTPISAN NOVI UGOVOR O SLOBODNOJ TRGOVINI IZMEĐU BIH I TURSKE





## POTPISAN NOVI UGOVOR O SLOBODNOJ TRGOVINI IZMEĐU BIH I TURSKE



Ovaj sporazum o slobodnoj trgovini omogućuje BiH da ima slobodan pristup tržištu Turske, i obratno, kada su upitanju usluge i javne nabavke. Jedine dvije zemlje kojima je Turska dozvolila slobodan pristup uslugama i trgovini su Singapur i BiH.

Sporazum je unaprijeđen i kada je upitanju oblast trgovine mesom.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,  
KOJE SU BESPLATNE, KONTAKTIRAJTE NAS  
DIREKTNO.

Dubrovačka 6.  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54.  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)